



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Illvstrivm Societatis Iesv. siue in Anni dies
digestæ Mortes Illvstres Eorum qui ex eadem Soc. Iesu, in
odium fidei, pietatis, &c. ... confecti sunt**

Nádasi, János

Romæ, 1657

Ivnivs.

urn:nbn:de:hbz:466:1-44029

tissima se spectabilem præ-
buisse.

IVNIUS.

Blasius Schelling. Coad.

INtegerrimi ad vigilandū,
orandum, laborandum,
exempli vir. cū, irrumpen-
te milite Suecico, hæreticis
S. Sebastiani reliquias, ac the-
saurum prodere iuberetur,
fronte fune contorto constri-
ctâ arbori alligatus; IESVS
MARIA, aiebat, thesaurum
non scio. Quare funis & ca-
put illi gladio fissum est, ce-
rebrumque dispersum; cada-
uer fimo contactum.

P. Cornelius Boudin Godinez.

Hunc nullius vnquã vio-
latæ nostræ legis reum fuisse
dixere attenti quidam, qui
eum pernovere. SS. Euchari-

H 2 stia

*German^o,
Ebersper-
ge.*

*1. Iunij
1632.*

*etat. 78.
Soc. 53.*

Reliquiæ.

*Belga .
apud*

*Tarau-
marenses .*

*4 Iunij .
1650.*

*etat. 40.
Soc 15.*

Euchar.

stia Saramentū septies quotidie visitabat. Cū in Indiā proficisceretur, foemina sanctimonie opinione celebris illum hortata est, vt iret porro; quippe vitam istic morte in fidei odium inferendā feliciter clausurum. Per trimestre Cynaloanæ, ac Mexicanae linguæ artem ita perdidicit, vt illam ad leges Onomasticumque scitè redegerit. Crucis signum pro templi propylæo, tanquam fidei labarū, defixit. breuī post ab irruente Ethnicorum manu, Sabbatho, inter probra, quòd Hispanis sacrificijs sacrificulus ipse præesset, quòdque indigenas peregrino dogmate ab idolis auerteret, ad templum & aram vsque, non sinè copiosâ sanguinis effusione pertractus est. Inde verò in
tem-

Fides.

templi atrium iterum, ac cœ-
 meterium, & ibi variè hac
 atque illac ad crucem vsque
 raptatus, in eiusdem crucis
 amplexu hærens, dum addu-
 cto vtrinque fune strangula-
 retur, bis Indicâ clauâ per-
 cussus, telisque confossus &
 internectus est; sacrificulo
 barbaro in sacrificali veste
 sacris aris insultante. Post
 bienium eius corpus incor-
 ruptum repertum esse perhi-
 bent qui videre; dicentibus
 barbaris; illum fuisse occisum
 non aliâ de causâ, quippe in
 omnes amicè beneficû, quàm
 quòd Indorum, ac maximè
 tenerioris ætatis, capita, aquâ
 perfudisset.

*P. Sebastianus Viera, & quin-
 que Socij Nouitij.*

Sparsæ sunt per Iaponiam
 illius imagines; vt agnitus

*Lustanæ.
 Xendi
 6. Iunij
 1634.
 atat. 63.
 Soc. 45.*

*Sacrum.**Regis
aspectus.*

teneretur, id futuro promissis aureis mille quingentis. Cùm paulò ante quàm caperetur diuinum sacrificium celebraret, is qui sacro aderat Paulus homo Christianus, in cuius domo id fiebat, retulit visum sibi videre Christi sanguinem veluti spumantem in calice. Capto illo, magnus plausus coortus est, quòd Romanus ille Sacerdos (ita eum appellabant quòd Romæ fuisset Procurator) iam vinctus esset. Capti cum illo quinque alij, quos id flagitantes in carcere, pro ea quàm Prouincialis loco fugebatur potestate, ad Societatem admisit. Ad Regem accitus, per interpretes illi respondit; cùm coram non daretur, ne conspecto Rege liber euaderet, iuxta eam istic
le-

legem quæ reos Regem vi-
 dentes absoluit. E carcere
 scripsit; parùm fore si centum
 vitas, aut si mille corpora, ha-
 beret quæ Deo redderet pro
 actione gratiarum Tanto se
 gaudio perfundi, vt vel pro
 minima eius parte satisfieri
 posse neget, etiam perpeffis
 omnibus quæ ab vllò vnquã
 tolerata fuere tormētis. Cùm
 Iapon reus (ad terrorem illi
 incutiendum) coram illo fi-
 diculis torqueretur, & hor-
 rendus cruciatuũ apparatus
 illi ob oculos poneretur, in-
 uitareturque ad Deum de-
 ferendum, respondit: Se tres
 iam & sexaginta natum an-
 nos à Deo beneficia plurima,
 & maxima, ab Imperatore
 autem non nisi compedes
 accepisse; Deum immortalẽ,
 hunc mortalem esse; nunquã

Fides.

se à fide abiturum, vllâ spe, aut metu eorum quæ Imperator possit seu promittere, seu minari. Iussus fidei nostrę summam scripto complecti; totâ 14. horarum intercapidine scripsit, & breuiter illam digessit à conditi orbis exordio, vsque ad extremum diē iudicij. Imperator in eo cōmentario legens ea quæ ille de immortalitate animæ illi lucubrationi inseruerat, exclamauit: *Bonus est hic Bonzsius Europæus!* Et si hæc vera sunt, quid nos miseri? quid nobiscum fiet? Verùm sualu auunculi, Sebastianum neci addixit. Ergò ille ad scrobē ducitur, & causa supplicij cōscripta præfertur; quòd fidem Christianam predicasset contra Imperatoris edictum. Vnâ cū quinque illis quos in carcere

re

re in Societatem cooptarat
Iaponibus, toto quod super
genua est corpore in foueam
e pedibus pependit per totū
triduum, illis quoque super-
stes. Et iam antea prædixerat,
se tormento fossæ non mori-
turum. Supposito demū igne
cruciatus est, & combustus,
cūm ei viuenti prius viscera
fuissent sensim extracta, vt
scribit eius socius P. Alber-
tus Mecinski.

Apollinaris Almeida Episc.

Nicanus, & Socij.

Societatem puer inierat.
In Æthiopiam missus, Episco-
pus, pro sigillo habuit IESV
nomen, & epigraphen: *Dedi-
sti eum escam populis Æthio-
pum.* Cum illo fuit

P. Hiacynthus Francisci.

Anno 1623. in Æthiopiam
penetrauit, labore utili pro

H 5 Euan-

*Lusitanus
in Æthio-
pia.*

*Iunio
ineunte?
1638.
atat. 50.*

*Italus
ibid.
atat. 40.
Soc. 24.*

Euangelio egregiè istic sata-
gens. Dicenti vim addebat
formæ dignitas, quæ in eo
tanta efflorescebat, vt Itali-
ci cuiuspiam Regis filius di-
ceretur. Tertius eòdem ap-
pulit anno 1628

P. Franciscus Rodriguez.

*Lusitan^o
ibid.
atq. 35.
Soc. 20.*

Ibidem nauiter Apostola-
tum exercuit. Hi tres, inter
expiandū Catholicos, à schif-
maticis deprehensi, accusati,
canum instar tractati, in exi-
lium destinati, è singulis ar-
boribus singuli suspensi, &
semitiui lapidati sunt. Ca-
dauera belluis obiecta: sed
illæ ea innoxia dimisere.

Fides.

Emmanuel Niger. Coad.

*Italus.
Claudio-
poli.
9. Iunij.
1603.*

Valetudinarium, & sacra-
rium Collegij Claudiopoli-
tani in Transyluania procu-
rabat Emmanuel, cū Moy-
ses Szekely, seu Sículus, Cal-
ui-

uinista, Turcarum ope urbem occupavit. In ea calamitate occasione vñ hæretici, in tēplum Societatis hostiliter irruere, & hæreticâ licentiâ quicquid sacrum fuit ludibrio habuere. Eos inter fuit miles qui SS. Eucharistiæ Sacramentum impiè humi dispersit, & proculcavit. Eam insolentiam redarguens Emanuel, securi militari in capite vulneratus, & globo traiectus, gloriosâ morte, vitam terminavit.

Euchar.

Fides.

P. Bernardum Reuss ait Catalogus eorum qui in odium fidei sunt occisi, hoc die anno 1629. sagitis confixum. Nos de illo 17. Julij, qui dies illi ab alijs assignatur.

Polonus.

in Suecia.

14. Junij.

1601.

ætat. 40.

Soc. 13.

P. Christophorus Spotecus.

Derpati à Christophoro

Sommerio Duce captus cum

H 6 So-

focijs. Variè tunc vexati omnes, fame, cachinnis, probris. Vni caput pugnis contusum. Equis impositi coacti sunt cantare Symbolum Apostolorum *Credo*. Inde in Finlandiam asportati: Stocholmij in vinculis acerbissimè habitati, ærumnis, doloribus, demū peste hoc die P. Christophorus, alij alijs diebus consumpti sunt; posteaquam scōmata multa in Pontificem, in fidei nostræ mysteria, in Societatem iacta, verbera, extremam egestatem, & affinia hisce incommoda, perpessi sunt.

Fides.

In Suecis.
17. Jun.
ætate 43.
Soc. 8.

Hibernus
Pontani
15. Junij
1649.

Ioannes Esto. Coad.

Cū P. Christophoro Spotecco, alijsque paria passus: peste extinctus in carcere.

P. Robertus Neteruillus.

Meminere huius viri an-

nue

nuæ anni 1650. & Mortes illustres. Mors illius, alijs vitæ laudibus par fuit. Etenim inter miseranda, & veterum Ecclesiæ calamitatum similima Hiberniæ verè Catholiciæ turbamenta, cum apud Anglos hæreticos increbuisset quòd Sacerdos esset, ac Iesuita (quæ duo nomina illis immortaliter exosa, & nõ vno sanguine sunt perfusa) per pedes ab illis correptus, è lectulo extractus, per domum raptatus, quaquaversum allisus, fustibus cõtusus, effractus ad collum, & humeros ossibus semianimis relictus, cum grauior etiã ætas hisce ferendis impar esset, quarto post die, id est hoc die, doloribus gloriosis & vitâ defunctus est.

Fidetur.

Anonymus Iapoz. Coad.
Literæ P. Petri de Boschere

Iapon.
in Iaponiæ
18. Iunij
1614.

re

re Vlyssiponæ datæ aiunt; hunc variè cruciatum, laniatum, & in aqua gelida per 70. dies ita mersum, vt capite tantùm emereret: demum gloriosum agonem abscisso capite consummasse.

P. Franciscus Paciecus, & Socij.

*Luzitanus.
Nanga-
sachi
20. Iunij
1626.
ætat. 60.
Soc. 41.*

*Desid.
martyrij.*

Japoniæ domicilia omnia cum regeret, anno 1628. 18. Dec. captus, vinciri petijt: sed negabāt Iaponij fas esse vinciri Sacerdotes necdum ritè damnatos. Decennis puer cum esset, auditâ de martyrii gloria dissertatione, ita exarsit, vt martyrij quærendi votum conceperit. Ab anno 1592. in India & Iaponia magnis attritus laboribus ac ærumnis, tandē cum quatuor socijs catechistis in fidei odiū ad ignem damnatus, conflagruit.

P. Ioan-

P. Ioannes Baptista Zola.

Ibidem fidei retinentissimus, illam obitâ in flammis morte testatus est, postquam per septem menses vixit in carcere erumoso, incredibili (in causa tã nobili) moriendi desiderio flagrans: idcirco & schedas P. Spinolæ, & P. Nauarri secum gestabat semper, in quibus illi pollicebantur id se ei à Deo flagituros. Fuit eius gloriæ socius

Italus

ibid.

Soc. 33.

Vincentius Caun.

Is disertis verbis ad Christi fidem deserendam inuitatus, cum id execraretur, nudus in frigore extensus est; constrictæ illi forcipibus nares, & manuum pedumq; articuli; supinus aquâ impletus, stomacho crebrius verberato, & sanguinem reiectâ
te.

Fides 3

te. Cùm iterùm, ac sæpiùs ad perfidiam vrgeretur, eamque detestaretur, per ipsos 14. dies frigore ac inediâ vexatus est. Admirantibus constantiam, & hilaritatẽ omnibus, aiebat nõ suis se viribus pugnare: innumerabiles se Dei misericordias experiri.

*Hispanus**ibid.*

20. Iunij.

1626.

stat. 63.

Soc. 47.

*P. Balbasar Torres, &
Michaël Tozo.*

Fides .

Cùm in arcto apud Omurense carcere teneretur, custodes illorum tranquillitatẽ admirati, petierunt legem illam audire quæ tanta in suis possit. Fecere id abundè socij: & custodum vnus baptismo iustratus; reliquis legem tam potentem laudantibus, optantibus, lacrimantibus; sed dicentibus, pro baptismo expectanda esse tempora molliora.

Om-

Omnes hi nouem, nempe. *Socij 5.
nunc casti.*
Paciecus cum 4. socijs cate-
chistis Iaponibus, Gaspare
Sandamatzu, Petro Pinxei,
Paulo Xinxuque, Ioanne Gui-
facu; & Pater Zola, Torres, Vin-
centius, Tozo, Nangafachum
peruecti, terram osculo ve-
nerati, & palos mortuales
amplexi sunt. Palis alligati, *Oratio.
Mors.*
subiecto igne, læti psalmos,
ac sanctissima IESV, & MA-
RIÆ nomina cecinere: atque
intra semihoram in monte
Sanctorum conflagrauerunt.
Aiebant ij qui Pacieco, Tor-
resio, ac socijs in carcere
orizam atram ad vescendum
suppeditauerunt, magnæ id sibi
admirationi fuisse, quòd ori-
za, quæ illis comedentibus
supererat, fuerit candida, &
*Oriza can-
dida.*
notæ longè melioris quàm
cùm ad eos fuisset illata. Nã
atram,

atram, deterioremq̄ue illatā,
relatam verò candidam &
nob̄liorem.

P. Thomas Garnetus.

*Anglus.
Londini.
23. Iunij.
1608.*

Per plures menses ferro
vinctus, mox exul, iterumque
in Angliam reuersus, post sex
annos in laboribus positos,
iteratò exul ac redux, tentus,
& supinus in crate ad suppli-
cium raptatus, suspēdio strā-
gulatus, ac dissectus est; quòd
Iesuita esset, quòd Sacerdos
Catholicus, quòdque è præ-
scriptā quæ contra Pontifi-
ciam authoritatem erat, iu-
rādi formulā iurifurandi sa-
cramentum Regi pronun-
ciare detrectaret. Num vitam
iuramento illo vellet redi-
mere interrogatus; ne quidē
quinque millium vitarum
pretio se id facturum dixit.
Benè inimicis nominatim,

Fides 9

fin-

singulis, benè Regi, Reginae-
que precatus: *Pater noster*,
Aue MARIA, *Credo*, *Veni
creator spiritus*, &c. dixit, &
pependit felix.

*Matthias Vitriarius. Coad.
& Soc.*

Cum P. Christophoro Spo-
teco (de quo 14. Iunij egi)
multa perpeffus, demum in
carcere heretico peste deces-
sit: & post illum *Nicolaus
Mercator. Coad.*

P. Thomas Methamus.

Vir doctrinæ ac sanctimo-
niæ nomine celebratus; at ob
fidem orthodoxam assertam,
Elizabethæ Reginae inuisus,
eòque carceri mancipatus,
Londinensè turrim per qua-
tuor annos incoluit. Inde in
alios ex alijs carceres de-
portatus, demum inter palu-
des in Visbicensi ergastulo
per

*Lithuani.
Stochol-
mie.*

28. Iunij.

1601.

ætat. 26.

Soc. 3.

Ætatis

36.

Soc. 3.

Anglus.

Visbici.

Iunio.

1592.

ætat. 60.

Soc. 9.

Fides.

per annos plures ea passus est quæ procaces hæreticorum linguæ, ac immortale in orthodoxum nomen odium suggerebat. Ita vitam per annos 17. in carceribus ærunosam longâ morte clausit, eruentam semper desiderâs, & expectans.

P. Bartholomæus Sanchez.

*Hispanus.
Babayeni.
Iunio.
1642.
ætat. 29.
Soc. II.*

*Edicatio.**S. Xaver.*

Natus ex voto, quo Deo à parentibus antea sterilibus deuotus est. Paruulo pompæ secularis horror ab iisdem iniectus, dicentibus; diuites superbos ijs quibus cum pompa vehuntur splendidis curribus, velut auriga dæmone, ad infernum vehi suæ salutis oblitos. Videbatur sibi sensu intimo ad imitationem S. Xaverij permoueri, quodd eum videret suo ingenio valdè esse consentaneum.

Et

Et profuit id acriter præstiffisse. Sanguinem è pectore quâ cor iacebat elicuit, & chirographum eo sanguine conscripsit, quo se Deo per Xauerium in salutem Iaponiæ deuouebat. Is erga Xauerium ardor illi exprobrare videbatur, si calceos novos, pileum uic, aut aliud vsui suo opportunû, admitteret; quasi parùm addictus ei paupertati quam exemplo suo docuisset Xauerius. In eodem, suaue, præsentissimumque præfidiû inueniebat tuendæ in nitida sanctimonia puritatis, quicquid imaginum castæ menti obstreperet; visis aliquando etiam tetrâ laruis, quæ abibant, cùm ille solito magis afflictus opem Xauerij imploraret. Videbatur quoque id velut à Deipara edoctus

in-

Cor.

Paupertas.

Castitas.

B. V.

interno monitu, vt ad hanc victoriam patrono Xauerio vteretur. Concinnatos à P. Mastrillo Xauerij titulos, instar Litaniarum, quotidie recitabat. Aliquando Crucē ferre se debere didicit, cū 1. Decembris coram sui Xauerij effigie supplex, totam eius imaginem Cruce ingēti toto corpore coopertam vidit. Patiebatur tunc ille dulcioris è cælo auræ solatiorumque penuriam; & ad plures id genus, aliasque corporis atque animi molestias æquo animo ferendas est mirificè incitatus. Animo anxium, an ritè initiatus esset, ac per nouem dies pro litan- da primi sacrificij hostiâ se parantem, ipso Deiparæ natæ die manè ante quàm sacrificaret vox diuinitus con-
fir-

*Cruce.**Pati.**B. V.*

firmavit, quæ illum hortatatur, ut se in Sancti sui manibus relinqueret, pati, & eum imitari paratus: primâque hostiam Deo pro acceptis ab illo per Xaverium beneficijs offerret. Ita illi animus conquieuit. Crucis in imagine Xaverij ostensæ mysterium complevit mors, quam obiit à barbaro sicâ in gutture vulneratus, alio ei caput bifariam dissecante.

S. Xaverius.

I V L I V S .

P. Petrus Cassui.

ANno 1614. Daifusamæ furore in exilium relegatus, Hierosolymas, postea Romam, inuisit peregrinabundus. Romæ Societatem amplexus, in Iaponiam ut securus rediret, remigis personâ

Iapon.
Iendi.
Iulio.
1639.
ætat. 51
Soc. 9.